

EPISTRE AV ROY TRES-CHRESTIEN

LOVYS XIII. ROY DE
France & de Nauarre.

*A la fin de laquelle sont trois Missives es-
crites sous le regne de HENRY IV.*

*Roy de France & de Nauarre,
à un Seigneur de son
Conseil.*

Par un personnage du Tiers-estat, pour le
bien de sa Majesté & de ses
subjects.

*La magnificence d'un Roy est en beaucoup de pen-
ple; mais quand le peuple defaut, c'est
le deschet de la principauté.*

PROV. DE SALOM.
ch.14.vers.28.

M. DC. XIV.

YOU VARY

THE NEWBERRY
LIBRARY

Case
F
39

326


1614 ep

18-5

...

...

...



A V R O Y.

S I R E,

Comme vostre tres-humble subject & seruiteur, ie supplie tres-humblement vostre Majesté me permettre dire que j'admire les perfections de vostre jeunesse, autant que l'histoire nous faict admirer celles du Roy saint Louis, estant Roy en vostre aage, pere de vos grands peres, & la regence de la Reine vostre mere semblable à celle de la Reine Blanche sa mere. Mais d'autant que ce n'est assez de bien commencer qui ne perseuere; aduisez ainsi qu'en force de corps à profiter aussi chacun jour en force d'esprit, & à tellement le composer, qu'il soit du tout tendu à la paix de vostre Royaume & vnion de vos sujets, reculant de vostre personne ceux qui voudroient vous conseiller le contraire, & y raniener les guerres ciuiles, grandement pernicieuses en tous Estats. Quand vous aurez ce dessein, ne doutez que Dieu ne vous y maintienne, & n'accomplisse en vous de grandes choses, qui vous rendront admirable vers tous les peuples de la terre. Soyez en pieté plus religieux que superstitieux: la religion est saine, sainte, bonne & charitable, la superstition folle, cruelle, outrageuse & sanguinaire; en iustice plus equitable que rigoureux; que vostre justice soit exercee par gens de bien, doctes, experimentez, moyennéz & bien nez; ce que sur tout est requis és Officiers de justice, à quoy on

a principalement esgard en vn Estat bien reglé,
 comme cy-deuant a esté le vostre, & qu'il est
 necessaire d'observer, autrement il n'y aura que
 desordre & confusion en iceluy, qui de tant plus
 s'accroistra, & à sa ruine qu'on differera de ce fai-
 re. Pour ce conuient effacer des registres de vos
 parties casuelles, la venalité des offices de justi-
 ce, mesme ce droict annuel qu'on appelle *Pan-*
lette. La pieté & la iustice sont les deux colom-
 nes qui soustiennent les couronnes, sur lesquel-
 les vous faut appuyer, & plustost les graver en
 vostre cœur que sur le metal, la pierre, & le bois.
 Que vostre liberalité s'estende à plusieurs per-
 sonnages de merite, donnans peu à chacun, &
 non tout à vn, ou à deux & trois; par ce moyen
 vous obligerez grand nombre de vos sujets, &
 autres à vous seruir fidelement, & faisant autre-
 ment vous ferez naistre entre les grands de vo-
 stre Estat de la jalousie & enuie, qui n'y peuuent
 apporter que de la diuision preiudiciable, au re-
 pos & soutien d'iceluy, & vne malueillance des
 grands contre vous avec mescontentement
 ce que recognoissant vous entrerez en mesfian-
 ce d'eux, qui vous causera des inquietudes &
 soupçons estranges. Puis souuent aduient que
 ceux qui seuls sont par trop enrichis des dons
 immenses des Roys leur sont contraires, ou à
 leurs enfans & successeurs; comme aussi est la
 puissance de mesuree du suiet tousiours suspecte
 & peu fidelle à son Seigneur. Departez les gou-
 uernemens, honneurs, & charges militaires, à
 ceux qui par leur valeur en auront acquis le me-
 rite. Soient les domaines de vos couronnes re-
 stablis & remis en bon mesnage, & vos finances

extraordinaires bien reglees, à ce qu'au lieu d'en descharger vostre peuple ne soyez contraint le recharger de nouveaux imposts & subsides. Ainsi on fait les Roys vos predecesseurs, sous le regne desquels l'Estat a esté fleurissant, mesme les Roys Louis neufiesme & douziesme, en la memoire desquels ie croy que Henry le Grand, nostre deffunct Roy vostre pere, vous a fait donner le nom de Louis, afin qu'ils vous fussent en exemple, & que fussiez memoratif de la douceur de leurs regnes, & de penser comme eux ont fait à la descharge du peuple: ce qu'il n'auroit peu faire pour les grands obstacles qu'on luy auroit fait en son aduenement à la couronne de France; ce qui nous est à tous notoire, pour en auoir supporté les pertes & incommoditez. Le Roy Louis douziesme fut surnommé le pere du peuple, & vous estes l'enfant du peuple, aimé, & cheri de tout le peuple, autant & plus que nul Roy de vostre aage ait esté, qui vous doit esmouuoir l'aage venant à vous en rendre aussi pere; ce que facilement ferez, vous proposant d'imiter tous les comportemens de ces deux sages Rois, & faisant obseruer leurs ordonnances. Et quoy qu'on vous parle de faire la guerre à ceux qu'on dit estre heretiques, ne vous y arrestez, & croyez, SIRE, que ceux qui s'efforceront vous donner ceste impression, & mettre en telle opinion, ne le feront que pour vous destourner de meilleurs desseins, prenans ce pretexte à telle fin. Le Roy sainct Louis jamais ne voulut persecuter les Albigeois & Vaudois, disant qu'il les falloit auoir par la raison, non par la force, & non plus le Roy Louis douziesme ceux qu'entre les Chrestiens

l'on disoit de son temps estre heretiques, quoy
 qu'à ce faire ils fussent solicitez par les Papes,
 mais bien saint Louis a fait plusieurs voyages
 en grandes armées es pais d'Orient, pour don-
 ner secours aux Chrestiens contre les ennemis
 du nom Chrestien, où il mourut après auoir re-
 gné quarante quatre ans. Le regne de ces deux
 Rois est grandement à louer; comme de vrais
 seruiteurs de Dieu & de son Eglise, reconnois-
 sans que la domination qu'ils auoient sur leur
 peuple dependoit du tout de luy. Ce sont deux
 notables Louis entre douze du nom qui ont re-
 gné deuant vous. Faites compagnie, SIRE, à ces
 deux bons Princes, & vous serez dit Louis troi-
 siesme, non treziesme, encores que Louis le De-
 bonnaire premier des douze, fils & successeur
 de Charlemagne, en son regne ait voulu refor-
 mer la vie des Ecclesiastiques, qui de son temps
 estoit insolente, comme est bien telle en cestuy,
 & pour ce luy fut par certains moies & menées
 des gens d'Eglise troublé son Estat, ainsi qu'est
 leur coustume faire quand ils reconnoissent vn
 Roy capable ou enflammé de tel zele. Ne crai-
 gnez cela, SIRE, embrassez autrement que par
 armes la reformation de l'Eglise en toute la
 Chrestienté, à tout le moins es pays de vostre
 obeïssance, si plus auant ne se peut, & qui puis-
 se seruir d'exemple à tout le monde: elle est ne-
 cessaire, & pouuez y estre assisté de tous les Prin-
 ces & peuples Chrestiens, ou la pluspart d'eux,
 qui bien le desirent; c'estoit le plus grand dessein
 qu'eust Henry le Grand vostre pere, & l'eust ac-
 compli sans l'assassinat execrable & miserable
 commis en sa personne, miserable, di-je, en tou-

tes sortes, & deplorable non seulement entre les Chrestiens, mais entre tous autres : nostre siecle semble s'y preparer, toutes choses y sont disposees. Les assassins vous feront-ils peur? telle peur n'entra jamais au cœur des Princes & Seigneurs qui furent au secours des Chrestiens Orientaux, bien qu'aucuns d'eux ayent esté atteints par les assassins, petit peuple Oriental lasche & sans courage, à ce poussé d'avarice plustost que d'ambition ou desespoir, duquel le nom se donne à ceux qui tels sont reconnus entre nous. Ne differerez donc, SIRE, fust-ce au peril de vostre vie, de vous employer à vn si bon & si saint ouurage, comme aussi vous conuient addonner à toutes choses bonnes & saintes, afferantes à la conseruation de vostre Estat, bien, soulagement & paix de vos sujets, & vous assurez en Dieu qu'il aura tellement soin de vostre personne, qu'aucuns moyens ne vous defaudront pour la seureté d'icelle, & qu'il vous donnera en telle assurance vnelongue vie & paisible, avec vn contentement tel qu'un grand Roy le peut desirer & attendre de luy. Les exemples des Rois que ie me suis cōtenté vous représenter, de vostre seule famille, sans en rapporter d'autres, ne de Princes estrangers, ce que pouuoie bien faire, vous doiuent suffire à comprendre le deuoir & pouuoir d'un Prince souuerain, ayant aussi estimé que l'aurez plus agreable que si ie me fusse estendu à vous raconter infinis exemples de tous les bons Princes qui ont regné par toute la terre, en tous les siecles passez, & la tyrannie avec la mauuaise vie & fin des autres : aussi que cela merite vn plus grand œuure que d'une humble & fami-

liere Epistre. Ainsi receuez, SIRE, & prenez sil vous plaist en bonne part ce petit escrit que ie vous fay, excusant ma hardiesse si la trouuez temeraire, lequel pourtant ie n'ay fait sans prier Dieu comme tousiours feray, vous vouloir orner de toutes les graces necessaires à vn bon Roy, en sorte, qu'à iuste tiltre le nom de tres-Chrestien vous demeure, & à ce exaucer les continuelles prieres que luy en font tous vos bons sujets, chacun desquels veillera & s'employera de tous costez, pres & loïn de vous, pour vostre salut & l'accroissement de vostre regne.

Vostre tres-humble & tres-obéissant seruiteur
& sujet, D. R.

*Le Roy seant sur le throsne de Iustice dissipe tout mal
par son regard. Prou. de Salom.
chap. 20, vers. 8,*

SONNET AV ROY.

LE douzième Louis qui fut Roy des François,
Du peuple surnommé le pere secourable,
Quoy que tousiours guerrier autant fut amiable
Au peuple de son temps que nul autre des Roys.
Vous treizième Louis du peuple oyez la voix,
Disant, si nostre Roy par conseil est traitable,
Sage, iuste, pieux, Et nous soit favorable,
De nous sera l'enfant Et le pere à la fois;
Comme fut saint Louis sous la Reine sa mere
Instruit en la vertu d'une façon guerriere
Par tout le monde veu en courage croissant.
Ainsi, Sire, viuant sous la vostre Regente,
D'une vie qui soit à vn Roy bien seante,
Vous serez sur tous Roys en grandeur fleurissant.

D. R.

Trois Missiues escrites sous le regne de Henry IV.
 Roy de France & de Nauarre, à vn
 Seigneur de son Conseil.

MONSIEUR, encores que la paix semble estre bien assuree en ce Royaume, sans qu'il y ait aucune apparence de remuement quelconque; toutesfois il est à craindre que la continuation des grandes charges qui sont principalement sur le menu peuple apporte de l'altération: car il peut d'icelluy tousiours sourdre infinis mescontans au premier bruit d'un grand; à cela contrainsts par l'extreme pauureté, plustost que par volonté qu'ils ayent de le servir & l'assister en ses desseins. Il court vn bruit entre le peuple, que le Roy veut cela estre & continuer, conseillé par gens qui disent qu'il faut tousiours tenir le peuple en pauureté, afin qu'il n'ait moyen de soutenir la guerre, & c'est ce qui l'esmeut à la guerre que la pauureté. Ceux qui prennent tel sujet pour donner ce conseil au Roy ne font pas bien. Depuis qu'un homme a prins party en guerre civile, il n'a nerf qui ne tende au soustien d'iceluy, & le plus pauvre se trouue voire dès le commencement de telle guerre plus riche & plus à son aise qu'aucun de ses voisins, toutes choses deuenans comme communes par la prise des armes de deux partis en vn Estat, estant le plus foible contraint de ceder au plus fort, & le plus fort souuent est vn pauvre compagnon, comme le plus foible aussi vn riche marchand: La richesse d'un Roy est celle de son peuple, de laquelle il se peut servir au besoin, & s'il est au tout pauvre quel secours en peut il auoir? Les grandes charges qui sont sur ce Royaume y engendrent tous les ans cent mille cocquins, qui la plus part ne respirent que la guerre; & est chose estrange à voir, que les habitans du plat pays que nous appellons Pay-
sants, sont tellement estonnez & abatus, pour n'auoir re-
seu le bien & soulagement en la paix, qu'ils auoient esperé

du Roy, que comme desespérés qu'ils sont, & du tout appauvris semblent souhaiter la guerre, ayants eu & ressen-
ty en icelle quelque mal qu'ils y aient souffert plus de com-
modité qu'en la paix. Les Gentils hommes qui se ressentent
de telles incommodités, & qui la plus part sont deuenus ne-
cessiteux, viuent & coulent le temps en esperance d'un
changement, croyans que telles choses ne peuuent durer lon-
guement, encores que le peuple des villes qui est aucunement
riche ou plus à son aise, mesme celuy des villes franches de
Taille, apprehendant la guerre pour la crainte qu'il a de
perdre ses commoditez & son aise ne le desire pas; aussi
n'est il iamais attiré à la guerre que bien contraint, & par
des cocquins ou ambitieux qui se rendent maistres de luy &
des villes. Ainsi n'y a il pas d'apparence de conseiller le
Roy d'appauvrir son peuple en paix pour crainte de la
guerre, puis que la pauvreté ameine la guerre, & y cherche
son aise, ne la trouuant point en la paix. Nos Roys prede-
cesseurs apres la guerre, principalement la ciuile finie,
souloient descharger le peuple de ce qu'ils connoissoient &
ingeoient luy estre en charge, espargnoient & se retran-
choient de plusieurs commodités qu'ils auoient accoustumé
prendre sur luy, afin qu'il eust moyen par quelques annees
de se remettre, estimans que le plus grand Thresor qu'un
Roy puisse auoir mesmes en cet estat estoit d'enrichir son
peuple, afin qu'au besoin sa richesse luy peust estre en aide
pour le soustien de sa couronne & dignité Royale, si sa Ma-
jesté est bien conseillée, elle fera le semblable, & vaut mieux
tard que iamais. Par ce moyen elle attirera à soy le cœur
de son peuple, lequel prendra plaisir & peine de se conser-
uer en son obeissance & des siens à tousiours, comme son tres-
humble suiet & seruiteur, ie prie continuellement Dieu luy
faire ceste grace.

Vostre tres-affectionné seruiteur, & tres-obeïssant
subject de sa Majesté. D. R.

MONSIEUR vous escriuant n'agueres, ie vou-
lois m'estendre en autre points necessaires au bien
de cet estat & conseruation de la personne du Roy; mais
ie n'en le temps d'escrire d'auantage. Ie vous diray
donc icy que le reſtabliſſement de l'Vniuerſité de Paris en
ſa premiere ſplendeur, & telle qu'elle a continué iuſques à
nos guerres ciuilles qui ont commencé apres la mort du Roy
François deuxieſme eſt neceſſaire à cela, car outre ce que
par la bõne inſtruction il en ſortira nombre de gens de gran-
de erudition, utiles & propres pour ſeruir le Roy & le con-
ſeruer en ſon Eſtat, comme ont fait durant ceſte guerre der-
niere faite ſoubs le nom ſuppoſé de ſaincte Ligue, ceux qui
auant la venuë des Ieſuites auoient eſté inſtruits és bon-
nes lettres en l'Vniuerſité de Paris, au premier rang deſ-
quels vous eſtes, & ou ie vous ay veu, lors n'ayans iceux
aucun lieu en France ou mettre les pieds. Ce ſera vn moyen
pour renuerſer leurs Colleges, par leſquels non ſeulement
ont diſſipé ceſte Vniuerſité, mais auſſi toutes les Vniuerſités
& bonnes eſcholles de ce Royaume, pour l'appetit qu'ils ont
donné au peuple enſeignants, gratis, & ainſi l'ont ſi bien
graté, voire tellement ſeigné ſans l'enſeigner, le denuant de
tous moyens, qu'ils ont pris vn grand pied en ce Royaume,
& y acquis de grands biens, ſe ſont rendus partiſans du
Roy d'Heſpaigne, ne reconnoiſſants en toute la terre autre
Roy que luy, & ſeruants d'aſſaſſins contre les autres, meſ-
mes le noſtre & tous ſes bons ſubiects; ſe logent en toutes les
bonnes villes, dont ils aiment mieux l'appuy que du Roy,
& font cela à deſſein. Ie le ſçay pour l'auoir entendu de
gens auſquels ils ſ'en ſont deſcouverts, & pour ce n'ont vou-
lu ſe loger en quelques petites villes de ce Royaume, encores
qu'elles fuſſent appuyees de Seigneurs qualiſiés & de moyës,
diſants que les petites villes, quoy qu'appuyees des grands,
ſupportent difficilement les orages des changemens, ſans en-
courir de grandes ruines, en quoy ils pourroient recepuoir

de grandes pertes, soit en leur ordre, soit en leurs Collèges, & quel'appuy à'une bonne ville leur est beaucoup plus utile que d'un Prince quel qu'il soit. Le Roy faisant cela les rabaissera sans bruit, en sorte qu'ils se contiendront en leur debvoir, pour n'entreprendre sur sa personne & son estat, ne donner subiect à autres d'y penser. Le moyen de le faire est, qu'à l'exemple du Roy François premier il recerche par tous les quartiers du monde les plus grands personnages lettrez, les face venir & loger en l'Vniuersité de Paris, leur donne de bons gages, & rende le Collège Royal, ou se font les leçons publicques, meilleur qu'il n'a esté par le passé, en consequence duquel les autres Collèges se remettront. Si un Roy guerrier comme estoit ce Roy, si les Estats de Holande & Zelande qui sont tousiours en guerre le font en leur Vniuersité de Leyden, nostre Roy ne le peut il pas mieux faire en ce siècle, auquel le besoin en est, tant pour ce subiect que pour fuir la barbarie, qui se pourroit loger au cœur & en l'entendement de nos François, par faute de bonne instruction. L'Vniuersité de Paris a esté cy-deuant le seminaire de tous les gens doctes & gens de conseil, qui ont seruy au soustien de cet estat, à quoy les armes profitent peu, si le conseil y deffaut. Sa Majesté doncques estant bien conseillée, sans doubte doit faire cecy, & le faisant ie m'assure qu'en peu de temps elle en verra sortir de bons effects, qui serviront à l'accroissement & manutention de son estat, & la conseruation d'iceluy en son obeissance, & de sa posterité. Dieu luy donne à cela toute favorable assistance.

Vostre tres-affectionné seruiteur, & tres-obéissant subiect de sa Majesté, D. R.

Monsieur ie veux adionster à ma derniere, & vous dire encores, que deux choses sont aussi de formais insupportables à cet Estat, le trop grand nombre d'officiers, & la trop grande venalité des offices, mesmes de iustice, quand ie dis trop; pour cela ie n'entends estre retransché le nombre Dofficiers qui y est necessaire, ne du tout empescher la vante des offices; reconnoissant qu'il n'est point mal à propos, que le Roy ne se ressente de quelque chose en la provision qu'il en donne: mais il y doit auoir telle regle, que le prix n'en soit excessif; & que les derniers encherisseurs ieunes & ignorants, ne les emportent sur les gens d'aage & experimentez, il seroit doncques conuenable de reconnoistre ceux qui se presentent à auoir offices; & plustost les laisser à moindre prix aux suffisans & capables, qu'à haut prix aux insuffisans & incapables. En ce faisant sa Majesté y peut plus profiter que perdre, l'experience du passé nous le monstre, & que c'est vn moyen duquel ceux qui ont fondé & fomenté la ligue, se sont seruis pour auoir mis és offices & honneurs leurs creatures & seruiteurs à quelque prix que çaïesté, & par tous les moyens qu'ils ont peu, lesquels en toutes les villes presque de ce Royaume, & principalement les grandes & capitales ont tenu & aduancé peu à peu ce party, puis tout à coup fait vne reuolte generale contre le seruice de sa Majesté, du deffunct Roy son Predecesseur, & le bien de cet estat. Telle façon de faire a commencé dès le regne de Henry deuxiesme, apres que le Connestable de Monmorency fut hors de Cour pour le mauuais succez de la bataille de saint Quentain, & que le Duc de Guise avec le Cardinal de Lorraine son frere, entrerent au gouuernement & intendance de toutes les affaires de ce Royaume, & a continué iusques à present, qu'on dit encores telle ligue n'estre estainte, & estre principalement soustenuë par les officiers pourueus de ce temps, & leurs enfans qui ont succedé és offices, en cela nous connoissons que telle chose y a

esté praticquée à mauvais dessein, auparavant ce regne, quand l'on admettoit un officier en quelque office, principalement de la iustice l'on consideroit son extraction, ses biens & facultez, sa doctrine & experience aux affaires, & sa probité. Ceste consideration reculoit ceux qui n'estoient de ce merite, & les empeschoit d'en approcher, les offices n'estoient recerchez par tels gens, autres qu'eux y estans admis, ce qui donnoit courage à un chacun de bien faire, & se rendre capable par le sçavoir, l'experience & la bonne vie de quelque dignité, & y estant parvenu, de si comporter avec honneur & sans reproche, de sorte que les officiers n'estoient en charge au peuple, comme sont la plus part de ceux du iour d'huy sortis de bas lieu, & qui emploient neantmoins le plus fort de leurs moyens pour achepter de l'honneur qu'ils ne peuvent iamais meriter; Et faut par necessité quand ils en sont pourueus, afin d'y paroïr & y passer leurs iours avecques splendeur, qu'ils facent des exactions & concussions sur le peuple, & encourir des pertes au Roy quand le peuuent & en ont le moyen: aussi ny a il rien au iour d'huy plus cher que le salaire de tels officiers, qui ne font plus rien de leur office noble tant ils resistent leur mauuaise nourriture & sordide extraction; contre tels officiers la recerche seroit aussi necessaire, que contre les mauuais financiers, pourueu qu'elle se fist avec plus d'honneur & de iustice, mais le mal est que quand quelqu'un d'eux en est recerché, il est supporté des autres ses compagnons, qui sont ses Iuges & qui l'espargnent, à cause mesmement du prix excessif qu'on tire des offices, donnans plus le blasme du mal fait au Roy qu'à tel son Officier, & voila pourquoy quelque mal qu'ils facent, pour le moins sont ils assurez d'auoir la vie sauue, Or Dieu qui tient les cœurs des Rois en sa main vueille disposer le cœur du Roy à telle & toute autre bonne & sainte reformation necessaire à cet estat, afin que la dissipation ne s'en ensuiue, laquelle tous les gens de bien

jugent estre proche, voyans toutes choses aller de mal en pis, sans qu'aucun se presente, pour y apporter par bons & legitimes moyens les remedes conuenables, pour empescher le cours d'une telle eminente ruine, qui donne à tous subiect de croire sa volonté estre telle, qu'en cet estat il se face un changement notable en nos iours, lequel ne peut estre sans que les autres Royaumes & quartiers de la Chrestienté ne s'en ressentent, & ne reçoivent quelque alteration, à quoy il pouruoirà par sa sainte prouidence pour le bien de son Eglise, & de tous les siens, estant necessaire que le changement qui sy fera, apporte du bien & de l'aduancement pour sa gloire, & l'accomplissement du regne de son fils au reste de tout le monde, veul'extreme malice des hommes qui est venue à tel point, qu'autre secours ne s'en attend que de luy seul, & par un changement dont les moyens nous sont inconnus,

Vostre tres-affectionné seruiteur, & tres-obeyssant subiect de sa Majesté. D. R.

The first of these is the fact that the
the second is the fact that the
the third is the fact that the
the fourth is the fact that the
the fifth is the fact that the
the sixth is the fact that the
the seventh is the fact that the
the eighth is the fact that the
the ninth is the fact that the
the tenth is the fact that the
the eleventh is the fact that the
the twelfth is the fact that the
the thirteenth is the fact that the
the fourteenth is the fact that the
the fifteenth is the fact that the
the sixteenth is the fact that the
the seventeenth is the fact that the
the eighteenth is the fact that the
the nineteenth is the fact that the
the twentieth is the fact that the
the twenty-first is the fact that the
the twenty-second is the fact that the
the twenty-third is the fact that the
the twenty-fourth is the fact that the
the twenty-fifth is the fact that the
the twenty-sixth is the fact that the
the twenty-seventh is the fact that the
the twenty-eighth is the fact that the
the twenty-ninth is the fact that the
the thirtieth is the fact that the
the thirty-first is the fact that the
the thirty-second is the fact that the
the thirty-third is the fact that the
the thirty-fourth is the fact that the
the thirty-fifth is the fact that the
the thirty-sixth is the fact that the
the thirty-seventh is the fact that the
the thirty-eighth is the fact that the
the thirty-ninth is the fact that the
the fortieth is the fact that the
the forty-first is the fact that the
the forty-second is the fact that the
the forty-third is the fact that the
the forty-fourth is the fact that the
the forty-fifth is the fact that the
the forty-sixth is the fact that the
the forty-seventh is the fact that the
the forty-eighth is the fact that the
the forty-ninth is the fact that the
the fiftieth is the fact that the
the fifty-first is the fact that the
the fifty-second is the fact that the
the fifty-third is the fact that the
the fifty-fourth is the fact that the
the fifty-fifth is the fact that the
the fifty-sixth is the fact that the
the fifty-seventh is the fact that the
the fifty-eighth is the fact that the
the fifty-ninth is the fact that the
the sixtieth is the fact that the
the sixty-first is the fact that the
the sixty-second is the fact that the
the sixty-third is the fact that the
the sixty-fourth is the fact that the
the sixty-fifth is the fact that the
the sixty-sixth is the fact that the
the sixty-seventh is the fact that the
the sixty-eighth is the fact that the
the sixty-ninth is the fact that the
the seventieth is the fact that the
the seventy-first is the fact that the
the seventy-second is the fact that the
the seventy-third is the fact that the
the seventy-fourth is the fact that the
the seventy-fifth is the fact that the
the seventy-sixth is the fact that the
the seventy-seventh is the fact that the
the seventy-eighth is the fact that the
the seventy-ninth is the fact that the
the eightieth is the fact that the
the eighty-first is the fact that the
the eighty-second is the fact that the
the eighty-third is the fact that the
the eighty-fourth is the fact that the
the eighty-fifth is the fact that the
the eighty-sixth is the fact that the
the eighty-seventh is the fact that the
the eighty-eighth is the fact that the
the eighty-ninth is the fact that the
the ninetieth is the fact that the
the ninety-first is the fact that the
the ninety-second is the fact that the
the ninety-third is the fact that the
the ninety-fourth is the fact that the
the ninety-fifth is the fact that the
the ninety-sixth is the fact that the
the ninety-seventh is the fact that the
the ninety-eighth is the fact that the
the ninety-ninth is the fact that the
the hundredth is the fact that the

Vol. 1, No. 1, 1880